Bibliothecæ Cantabrigiensis ordinandæ methodus quædam; quam domino Procancellario Senatuique Academico considerandam et perficiendam officii et peitatis ergô proponit / Conyers Middleton, S.T.P., academiæ proto-bibliothecarius.

#### Contributors

Middleton, Conyers, 1683-1750.

#### **Publication/Creation**

Cantabrigiæ: Typis academicis, 1723.

#### **Persistent URL**

https://wellcomecollection.org/works/zfy3xvcq

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

#### BIBLIOTHECÆ

CANTABRIGIENSIS ORDINANDÆ

METHODUS QUÆDAM;

QUAM DOMINO

PROCANCELLARIO

SENATUIQUE ACADEMICO

CONSIDERANDAM & PERFICIENDAM
OFFICII ET PIETATIS ERGÔ

PROPONIT.

CONTERS MIDDLETON, S.T.P.


ACADEMIÆ PROTO-BIBLIOTHECARIUS.

CANTABRIGIÆ:
TYPIS ACADEMICIS.
MDCCXXIII.

# BIBLIOTHECEE CANTABRICIENSIS ORDINANDE METHODUS QUEDAM; QUAM DOMINO PROCANCELLARIO SENATUIQUE ACADEMICO

SENATUIQUE ACADEMICO
CONSIDERANDAM & PERFICIENDAM
OFFICII ET PIETATIS ERG
E PROPONIT.

CONTERS MIDDLETON, S.T.P.
ACADEMIÆ PROTOBIBLIOTHECALIUS.



TYPIS ACADEMICIS.
MDCCXXIII.

CELEBERRIMO DOCTISSIMOQUE

VIRO

## ANDREÆ SNAPE, S.T.P. COLLEGII REGALIS PRÆFECTO,

ET

## PROCANCELLARIO.

### CONYERS MIDDLETON, S. P. D.

ITTO Tibi, Vir Dignissime, Trastatulum huncce de optima librorum collocandorum ratione; quem Tibi imprimis, Academicisque deinde omnibus in publicum ideò proponere Statui, nè in torpido hocce Bibliothecæ nostræ statu, torpescere etiam Proto-Bibliothecarium vestrum crederetis; quùmque à legum olim Interpretibus sancitum

tum fuerit, quòd scribere sit agere, ut legitimum quoddam haberem diligentiæ meæ & industriæ testimonium: quicquid verò demùm effecerim Tuo prorsùs arbitrio dijudicandum relinquo; judicium enim, non Muneris magis, quod geris, dignitate, quàm Ingenii & Dostrinæ præcellentia verè Tuum est; Teque, etsi Magistratum jam adire contigerit, Privatum tamen mihi omnium potissimum Consilii Autorem deligerem, Judicem peterem.

Inter tot verò, & tanta negotia, que Te jam totum occupant, Bibliothecam Publicam præcipuæ Tibi curæ fore certò scio; cujus accurata quædam & recte ordinata dispositio ad Academiæ nostræ famam & splendorem maximi plane ponderis & momenti est; cujusque fructus omnes nemo Te vel melius noverit vel uberius perceperit: Hæc nimirum, Fontium quorundam ad instar, qui lympham simul lumenque emittere dicuntur, Fons ille est, ex quo & Lucem & Pocula, que gestat manibus, haurit Alma Mater; illa caliginem atque ignorantiæ tenebras dispellens; hisce plenos scientiæ haustus Juventuti Academicæ propinans: Sive Armamentarium Illa Academiæ dici potius mereatur; unde Tela Filiis suis, uniuscujusque viribus accommodata distribuit Alma Mater; queque non nisi summo gaudio in Doctrina, Ecclesia, & Religionis hostes tam feliciter toties à Suis, atque à Te præcipue haud dudum torqueri viderit.

Hanc autem Bibliothecam tam illustrem, tamque Principis Munificentissimi beneficio auctam atque instructam pudet plane ab omni Usu literario semotam, atque à Studiis nostris conclusam tam diu jacere; Advenis tantum spectaculum, nostris desiderium; quamque Tantali ad instar sitientes intuemur, neque Jummis tamen labris gustare valeamus: Tuum verd est, Vir Doctissime, ad Usus illam destinatos, ad bonas literas, bonosque mores promovendos educere tandem atque accommodare; Tuum est locorum hasce angustias amplificare; Ædificationem inchoatam absolvere; Librosque, tanquam Coloniam aliquam, in novas sedes deducere, locisque suis collocare: opus quidem perdissicile, atque in impeditis hisce Academiæ temporibus non nisi Tuis viribus & Tua constantia perficiendum: etenim Te, si recte noverim, non minaces Potentium vultus, vocesque; non malorum impendentium metus, non instantium terror ab instituto cursu deflectet; ab Academiæ tuendæ atque ornandæ consilio deterrebit.

Ut dicam autem liberè quod sentiam, quocùnque nosmet vertamus, dissicultatibus undique premi, periculisque planè obsessi esse videmur. Nonnulli dum Gradus Academicos conferendi facultatem à nobis quidem haud auferre præ se ferant; nobiscum tamen partiri, atque in commune frui sibi vendicant; Gradus, inquam, non tam nomine, quàm re & naturâ sud verè Academicos; in mediis scilicet Academiis

natos, ipsarumque omninò causa inventos atque excogitatos; ut quibus in locis Doctrinæ potissimum
studia florerent, in iis Doctrina etiam ipsa cum dignitate aliqua, & insignibus quibus dam honesta esset.
Alii intereà, Doctores creandi jus nobis licèt integrum permittant; de Doctoratu tamen dejicere, de
Senatu nostro deturbare, suo nisi arbitratu & consensu haud patiuntur; rerumque adeò Academicarum Cognitionem & Judicium ad Forum prorsùs
alienum, atque externum avocant: Quorum conatus
ni repellere tandem ac propussare valuerimus, lethale
quoddam vulnus huic nostræ Academiæ instigatur
necesse est.

Nil autem Te Duce desperandum est; nil nisi lætum, faustumque nobis augurari fas est: præclara enim Vox illa Tua, Te Academiæ causa carcerem; Te vincla lubenter subiturum; quantam excitaverit in bonis omnibus fortitudinem, quantam spem, quantum Tui amorem? Quippè Tu ad Rempublicam nostram ex eo jam accedis Collegio, quod Singularia sua Privilegia singulari semper vigilantià conservavit, constantià defendit; quodque Præfecti sibi eligendi jus, à jactis usque mænium suorum fundamentis concessum simul & abreptum summâ suâ fortitudine recuperavit, atque è Regiis pænè manibus extorsit; Virtutisque suæ fructus, Te tandem Præside, jam uberrimos percipit: Tu, inquam, iis moribus, ed disciplina institutus, que exoleta revocare, que vel amissa recuperare noverit; quidni

quidni nostra facilè jura omnia tueare; jura scilicet, à primis rerum nostrarum initiis concessa; perpetuo usu consirmata; legibus Anglie munita?

In nebulosa itaque hacce Cæli nostri facie, Academiæ tamen seriò gratulandum est, talem ei obtigisse Gubernatorem, qui tempestates omnes noverit seu peritè declinare, seu prudenter moderari, seu fortiter resistere: neque Tibi ipsi, Vir Reverende, gratulari etiam minus liceat, Magistratum Tuum in ea incidisse tempora, quæ tantos tibi gloriæ atque laudis, quantos nobis ex Tua vigilantia felicitatis fructus allatura sint; quæ scilicet Te totum, qualis sis, patefacient; virtutes tuas omnes exproment, atque in lucem proferent; ut admirentur nobiscum omnes necesse sit summamillam Tuam in rebus nostris defendendis Fortitudinem, in administrandis Prudentiam, in emendandis Virtutem.

Si quid verò adversi nobis evenerit; si nonnullorum tandem invidiæ, temporibusque cedere cogamur;
una restat adhuc damna nobis resarciendi, & vulnera
sanandi via: dum Alii scilicet in nos & studia nostra inquirere, dum mores nostros ad examen revocare, atque in judicium sistere minentur; Nos ipsi
potius in nosmet sedulò inquiramus; Nobismet ipsis
Censores, nobismet Judices simus; Statutis nostris
religiosè insistendo pios, probos, severos; Studiis diligenter incumbendo dostos, eruditos, claros nosmet
efficiamus:

efficiamus: Alii honoris Titulos, Doctoratumque ipsum artibus haudquaquàm Academicis foràs sibi quarant; Nos non nisi Liberali Doctrina, Probata Industria, Spectata Fidei honores nostros deferamus: Alii Ecclesia Benesicia, Dignitatesque occupent; Nos mereamur: Alii virtutis pramia, nos virtutem tamen teneamus: hisce armis, atque hac innocentia nostra muniti inimicorum facile impetus repellemus, vires frangemus; Maledicis silentium, Malevolis pudorem offundemus.

Hæ Tibi, Vir Amplissime, gubernandi erunt artes; hæc Tui Magistatûs laus & gloria; hanc Majorum disciplinam, hos antiquos mores Autoritate Tuâ restituere; Exemplo consirmare; Decretis stabilire. Vale.

BIBLIO-



# BIBLIOTHECÆ CANTABRIGIENSIS ORDINANDÆ METHODUS.

OSTQUAM Senatui Academico novum Proto-Bibliothecarii munus eodem decreto instituere simul & ad me deferre visum est; nè collati temerè beneficii infamiam Gravissimo Ordini inurerem, statui illicò omni studio, operà, viribusque meis eniti, ut tam honorifico vitæ meæ, studiorumque testimonio aliquatenus responderem, & tanto hoc, tamque insperato prorsus honore memet haud indignum præstarem; utque omnibus prætereà ostenderem, munus ipsum non mei solius, sed Bibliotheca omninò causa, non (quod susurrari audiebam) pro gratia, qua in Academià florui, sed pro rei ipsius necessitate esse institutum: quum igitur ex prasenti Bibliotheca Publica statu otii mihi aliquid temporisque dari viderem, id statim arripui, atque ad ea penitus studia contuli, quæ Bibliothecarii

thecarii propria existimantur, quæque in ipsius Bibliotheca fructum redundare aliquando poterint. Surgentia vero jam Theatri menia quum libros versandi, utendique spem haud longinquam præbere videantur; nè in me negligentiæ aliquid aut moræ crimen resideret; quicquid mihi de re Bibliothecaria cogitanti unquam vel legenti occurrerat, scriptis mandandum, cumque amicis communicandum duxi, ut aliquid indè in publica Academiæ commoda decerpi forsitan possit; utque rebus iis omnibus, quæ ad Bibliotheca instructionem, ornatumque pertineant, mature perpensis atque accurate constitutis, Bibliothecarii sese alacres præscripta ad munia accingerent, neque loca libris excipiendis paratiora, quam eis occupandis libri reperirentur: etenim dum tanto apparatu, tantisque sumptibus honesta libris domicilia, dignæque sedes exstruantur, turpe plane esset si hisce Academiæ studiis Bibliothecarii minus responderent, avidisque bonorum omnium votis motæ aliquid à se interjici paterentur.

In hisce verò, quæ de Bibliotheca ordinanda ratione disputaturus sim, etsi nihil novi aut eximii esse satis scio, spero tamen admoneri indè atque excitari posse cruditos, ut Studiorum & cogitationum partem aliquam hùc conferant, & si quid in hoc genere consilii habeant, id candidè & liberè impertiant: cùm enim ex egregia Regis liberalitate tanta Bibliothecæ nostræ sacta sit accessio, ut alias ubique omnes (quarum Indices scilicet impressos viderim) cum librorum numero, tùm prastantià, delectuque facilè superet, illam certè omnibus numeris absolutam, omnibus modis ornatam, illustremque essicere debemus, ut huic tandem Academiæ non minùs apud exteros gloriæ, quàm domi fructus afferre

valeat.

QUÆ verò dicenda sint ut faciliùs clariúsque intelligantur, Schema quoddam adjunxi, interiorem Bibliothecæ formam (qualis absolutâ tandem ædificatione sutura sit) etsi minus forsan exactè, ad rem tamen nostram satis

aptè referens.

COMPARATA itaque qu'un nobis sit tanta librorum omnium fupellex; quod jam proximum est, eos collocandi, disponendique methodus aliqua excogitanda est, quâ in justam, pulchramque Bibliothecam exstrui ac ædificari possint: librorum enim quantuscunque numerus sine ordine congestus haud magis Bibliotheca, quam lapidum illa ad nos advectorum moles Theatri nomen mereatur, donec arte quâdam & certo ordine dispositi perfectam tandem structuram efficiant: artem verò illam Aristoteles invenisse, Regesque Ægyptios primus docuisse fertur \*; Quo scilicet magistro immensam illam Bibliothecam & in toto terrarum Orbe celeberrimans instruxerunt: ab illo utique Authore Bibliothecarii Ordinis inventio requiri quasi de jure poterat, cujus unius Scripta (ut Hieronymus de Origene postea tradidit) Bibliothecam vel implere valuerint: libros etenim idoneè collocare majoris esse prudentiæ videtur, quam congerere; hoc enim folius pecunia, illud non nisi ingenii vi perficitur; hoc divitem tantum, illud doctum postulat; Quodque Plinius † de orationis structurâ dixit, ad librorum etiam structuram æquè pertinet: invenire praclare interdum etiam barbari solent, disponere apte nist eruditis negatum est: neque minus proptereà Aristoteli debere videantur Bibliotheca, quam Alexander ille maguus; quem dicere solitum accepimus, Se à Philippo Patre Corpus tantum habuisse, ab Aristotele animum ---. Non opus est singula percurrere, quæ de Bibliotheca instruenda ratione à Viris doctis commemorata unquam ac tradita fuerint; sufficit enim dicere, librorum juxta facultates, ut aiunt, dispositionem, seu Ordinem quem Classicum vocamus, ex omnibus mihi unicè placere. Etenim Ordo cum nihil aliud sit, quam rei uniuscujusque in suo

loco collocatio, quid aptius aut perfectius excogitari potest, quam hujusmodi librorum distributio, qua scilicet in Classibus propriis, haud secus ac in familiis, is singulis assignetur locus, qui atati, dignati, & muneris rationi maxime convenit? & quum in animis hominum erudiendis librorum omnis usus versetur; iste certe ordo præponendus omnibus est, qui huic potissimum fini accommodetur; qui scilicet eruditionis aliquid in se non contineat modò, sed doceat; quemque vel intuendo doctiores evadere valeamus: ex hac enim librorum collocatione Disciplinarum omnium mutuam inter se connexionem; ex hac scientiarum ortus, incrementa, varios casus, interitus, instaurationes; ex hac, inquam, historiam quandam literariam à primis retrò seculis, ad nostra usque tempora deductam sola ferè Ordinis contemplatione colligere & perdiscere liceat: quodque Cicero \* de Ordine generatim posuit, de hoc præcipuè Bibliothecario Ordine verissimum est; memoria scilicet eum quam maxime lumen afferre; atque ad libros itidem transferre liceat, quod de sententiis, verbisque Oratoriis idem ille summus Magister docuit: illis † scilicet nec fructum nec splendorem inesse nist diligenter collocatis: hinc prætereà Authorum in quâvis disciplina Principum facilis notitia, facilisque ad eos aditus patet, quibus semel comparatis, dimidium certe viæ, laborisque in omni studiorum genere confici videtur, To de man Javen pastos nou pure mãs ou "su t. hæc itaque tot, tantaque nullo sanè labore, atque uno quali temporis momento edifcere jucundiffimum sit oportet. De hujus autem Ordinis ratione atque instituendi methodo pluribus deinceps agam, ejusque imaginem quandam, seu tabellam ut potero adumbrare conabor.

NOLLEM tamen tam superstitiosam institui librorum in proprias Classes distributionem, quin illorum forma

\* de Orat, l. 2. + Orator. + Ariftot.

simul & magnitudinis ratio aliqua sit habenda: in librarie enim supellectilis, haud secus ac domestica dispositione, etsi usus pracipue spectari, nonnihil tamen elegantia etiam tribui debet: librorum autem maxime inaqualium conjunctio, tanquam 'Gigantis cum Pumilione
commissio, desormis plane videtur, & aspectu ridicula.
qu'um verò Bibliotheca nostra foruli per sex quasi tabulata, variis voluminum sormis accommodata, duabus hinc
inde alis in altum sint exstructi; hujusmodi omnis offensio vitari facile poterit, si ejustem facultatis, diversa
tamen magnitudinis libri per varios hosce forulos pro in-

æqualitatis ratione distribuantur.

FORULORUM autem (quoniam mentio jam inciderit) divisionem immutari paululum vellem: etenim cum unica jam illorum ala (adjunctis eis, qui sub senestris positi funt) distinctum quoddam Corpus, seu Armarium conficiat, quod Classem improprie nominamus, & majuscula aliqua Alphabeti litera distinguimus; dum ejusdem areæ pars altera, seu forulorum ala opposita ad aliam omninò Classem pertineat (ut a. b. c. d.) vitandæ jam confusionis gratiâ, quam ista sæpè peperit distributio, vellem sanè, ut tota illa area, quæ (ad formam literæ H dimidiatæ) forulis sub fenestrà positis, duabusque hinc indè alis constet, unicam tantum Classem conficiat, unica Alphabeti literà distinguendam; utque idem forulorum numerus & forma ex adversa Conclavis parte litera Alphabeti proximâ designentur (ut A. B. C. D.) quosque ejusdem argumenti libros A continere nequeat, B. excipiat. Quoniam denique librorum novorum accessione crescat indies, augeaturque Bibliotheca necesse sit; ut nulla inde Ordinis perturbatio confequatur, locum aliquem libris istis adventitiis, sive emptis, sive dono acceptis dicatum velim, ubi reponi aliquandiù, & singulis demum annis, feu fex mensibus in Catalogum adscribi, & in Classes suas distribui possint: quibusque tandem recipiendis spatii aliquid in singulis librorum forulis vacuum relinqui conveniat. HÆC

HÆC vero ut recte omnia instituamus, commisceantur omnino oportet Utriusque Bibliotheca (Regia scilicet & veteris) libri: harum enim perpetua disjunctio magnam certè confusionem & multa incommoda pareret; librique indè minus cum ad usum prompte, tum ad aspectum venuste disponerentur, in quibus omnis Bibliothecarum laus, utilitasque consistere videntur; atque ejusdem non solum facultatis, ejusdemque Authoris libri, sed ejusdem etiam libri partes ex variis, dissitisque hinc indè locis quærendi sæpe colligendique essent: ipsiusque adeo Bibliothecæ splendor, dignitasque diminuerentur, quæ distractis, disjunctisque copiis minus sanè illustris, minusque veneranda appareret; collectis autem in unum viribus eruditos omnes admiratione quâdam commoveret, dnm incredibiles ejus in omni genere literarum opes explicitis ordinibus & continuâ serie exhibitas intuerentur. Siqui vero existiment libros omnes à Serenissimo Rege donatos ob celebriorem rei memoriam (quam sanè & omni laude dignam judico & sempiternam fore spero) sejungi semper à reliquis, separatimque custodiri oportete; recordentur velim, huic aliunde satis esse provisum, ex annua scilicet solennique Benefactorum nostrorum commemoratione, quâ cautum est ab Academiâ, ut grata tam insignis beneficii celebratio omni posteritati commendetur, ipso semper voluminum pumero & pretio simul commemoratis: sin majorem adhuc diligentiam curamque postulare res tanta videatur, fingula prætereà volumina gentilitiis Armorum Regiorum insignibus ornari atque à cæteris distingui posfint: ineptum autem ridendumque planè effet, si libros hosce ad literarum studia promovenda liberè & absque ullà conditione datos, iniquis ipsimet conditionibus, regulisque usui, cui dicati erant, minimè accommodis fubjiceremus.

VIDEMUS autem in Schemate adjuncto loca quadam quadrata, (1. 2. 3.) quæ quatuor illa Bibliotheca conclavia

clavia connectunt inter se, communiaque & pervia reddunt: hæc, si quæratur, quibus usibus destinari, qualique supellectile instrui velim; vix habeo quod respondeam; illorum nempè forma & situs ratio efficiunt, ut neque in eadem Armaria, ac reliqua Bibliotheca, dividi omninò, neque Disciplinæ alicujus libris præcipuè conservandis disponi commodè possint: rem verò attentiùs consideranti aptissima tandem visa sunt rebus eis omnibus excipiendis, quæ elegantia magis sint quam necessaria, quæque ad speciem potius, quam utilitatem Bibliothecæ pertineant: Tabulas velim pictas, Signa, Statuas Gracorum Veterum & Romanorum; Benefactorum etiam Doctorumque omnium, qui Academiam famâ, scriptisque suis illustra-

verint, quotquot comparari poterint imagines.

STABUNT olim hoc in loco Illustres illi Viri, quorum prasidio Musa jam nostra efflorescunt, quorumque munificentià mænia nostra surgunt: stabit bic, inquam, Marmoreus, Comes Ille noster Anglesensis, (mihi sanè omnibus officiis prosequendus, laudibus celebrandus) cujus nomen huic nostra Cantabrigia splendori semper decorique erit; quam summà jam benevolentià fovet, beneficiis auget, moribus ornat: cui si propter merita in Almam Matrem (que maxima tamen extant) honos iste minus deberetur; at ingenium acre, at doctrina, quâ praditus est, eximia in hoc certè Musarum sacrario pracipuum ei locum vendicaret.

Hoc autem genus etsi speciosum magis, ut dictum est, quam utile censeri soleat, ad eruditionem tamen haud parum valere, Historiaque potissimum inservire videtur; dum quæ in libris passim memorantur, quæque ex omni antiquitate præclarè gesta legimus, memoriæ facilè suggerat, oculisque quasi subjiciat: atque hac proptereà supellectile omnes omnium gentium eruditi Biblioihecas suas ornare atque instruere consueverint; æquum scilicet existimantes & rationi quam maxime congruens, quibus in locis immortales doctorum anima perpetuo loquantur, in iis etiam Corporum simulacra quædam fingi atque asservari debere:

debere: Εγώ δε, ω Νικόκλεις, ηγούμαι μεν είναι καλά μνημεία κή τας των σωμάτων είκονας. Isocrat. Ciceronem autem horum omnium summopere studiosum fuisse plurimæ ejus epistolæ demonstrant. Scribens enim ad Atticum Athenis commorantem. 2 Herma tui Pentelici inquit, jam nunc me admodum delectant, quare velim & eos & signa quam plurima, quam primumque mittas, maxime qua tibi gymmasii, Xystique videbuntur esse, nam in eo genere sic studio efferimur, ut abs te adjuvandi, ab aliis propè reprehendendi simus. Et rursus, b Signa Megarica, & Hermas vehementer expecto, quicquid ejus dem generis habebis dignum Academia quod tibi videbitur, ne dubitaris mittere, & arca nostræ confidito. Arcam vero illam exhausisse tandem, atque ex avidà horum coemptione in are plane alieno c fuisse videtur. Sed vix unquam apud optimos Roma veteris scriptores Bibliotheca alicujus illustris mentio incidat, quin & Statuas & imagines ibi dicatas commemorari fimul inveniamus: ut Suetonius de Tiberio: d Scripta eorum, inquit, & imagines publicis Bibliothecis dedicavit. Et Plinius de Silii Italici villà: e multum ubique librorum, multum statuarum, multum Imaginum. Hæc igitur Bibliothecarum omnium tam propria, atque his præcipue locis tam apta esse ornamenta videntur, ut sine Academiæ dedecore quodam & reprehensione desiderari planè nequeant. Hic insuper, si videbitur, antiqua Numismata, Sigilla, annuli & quicquid vel nature vel artis rarum habeatur, in loculamentis, nidulisque aptè dispositis condi omnia & reponi possint. Hæc denique loca sellis, mensis, rebusque aliis omnibus instructa vellem, quæ doctorum hominum congressus ibi & colloquia quam maxime provocent, qui virorum ex omni gente ac ætate principum corona quadam cincti, locique reverentia permoti nihil abjectum aut humile cogitare audebunt, sed amulatione potius accensi Veterum Illorum gloriam scriptis factisque

<sup>2</sup> L. 1. Ep. 8. b Ibid. Ep. 9. c Ad Fam 1.7. 27. d c. 70, g L. 3. Ep. 13.

cxæquare conabuntur: locorum enim admonitu, inquie Cicero, \* acrius & attentius de claris viris cogitare solemus. Rogandi igitur, atque omnibus modis exorandi sunt viri ubique eruditi, qui literarum Studiis, atque huic præcipue Academiæ favcant, ut hujuscemodi aliquid ex Musis suis ad Bibliothecæ Publicæ ornatum & splendorem conferant; cujus beneficii memoriam quibus, par est, gratiis celebrandam atque omni posteritati tradendam curabimus.

Conclave autem illud, quod à cæteris sejungi, atque ultra reliqua ædisicii latera Caii versus in longum excurrere videmus, librorum MSS Bibliotheca sit, socoque iis ab humore noxio conservandis apto instructum: quod cum quinquaginta circiter pedes longum & viginti septem latum sit, huic usui accommodum satis videtur: in hoc etiam (Bibliothecæ utpote vestibulo proximum) Bibliothecarii quotidiano munere sungentes, sese recipere, advenas expectare, omnibusque Bibliothecæ occasionibus præstò esse possimt: Sin autem MSS Codicum receptui ob lucis inopiam, aliamve quamlibet causam minus tandem aptum reperiatur, ii tum in iisdem armariis, ac libri impressi, reponi commodè possint, valvulis autem clavibusque (ut apud Trinitonienses) à vulgari usu seclusi & in tuto collocati.

LIBRIS verò pulchro tandem Ordine dispositis, sequitur am Catalogi consiciendi cura, res sanè magni momenti, multique sudoris; non temerè enim eum atque oscitantèr institui, (quotidianorum Catalogorum ad instar, ubi multa omissa, & consusa omnia videamus) sed diligenter & accuratè describi velim; ut Bibliothecà illà, cujus notitiam sit exhibiturus, dignus planè reperiatur: in Catalogo autem rectè instituto uniuscujusque libri historiclam quandam requirimus, quæ singula ad eum dignoscendum atque à cæteris omnibus distinguendum necessaria quàm breviter, quàmque dilucidè exponat; undè præter

\* De fin. 1. 5.

Authoris, Editoris, Interpretis nomina, uno simul intuitu pateat, de quo argumento & quâ linguâ fuerit scriptus, quo loco, anno, quaque voluminis formà impressus: addito prætereà (ut nonnullis placet) quo Typographo, quo Characteris genere, quotaque editione prodierit. Catalogi construendi methodum quod attinet, Ordo librorum Classicus, Authorumque Alphabeticus mihi longe commodissimi videntur; ad perfecti verò Catalogi constructionem ambobus certe conjunctis opus est: illo scilicet, ut usibus, quos supra attigi, inferviat; hoc, ut libri, quem quærimus, Classem, locumque demonstret; in quo usus ejus præcipue consistere videtur: illo, inquam, ut illustris, perfectæque Bibliothecæ eleganti Ordine dispositæ ideam pulchram exhibeat; hoc, nt Indicis illi officium præstet. Hujusmodi igitur duplicem Catalogum non describi modò, sed in publica literarum commoda Typis etiam mandari vellem, ut locupletissimæ Bibliothecæ fructus cum viris omnium gentium eruditis candidè & ingenuè communicemus: infignium enim Catalogorum editiones maximum Orbi literato emolumentum, maximum literarum studiis incitandis, promovendis, perficiendis adjumentum afferunt; omnisque ex hisce sanè fontibus haurienda est rei libraria notitia; quam, à nostris nimis etsi neglectam, haud in infimo tamen cruditionis gradu ponendam arbitror: scire enim (ut doctus quidam \* monuit) ubi aliquid possis invenire, magna pars eruditionis est.

CATALOGORUM autèm idem planè munus est in Republicâ literariâ, quod in Romanâ suit olim Nomenclatorum;
indicant enim Doctrina Candidatis nomina illotum, quos
prensare, quos colere, quorumque ope uti oporteat, ut honores, quos ambiunt, consequi possint: quàmque proptereà jucunda, quàm doctis omnibus desideratissima illorum prodeant impressiones, eruditorum ubique scripta,
epistolaque abundè testantur. Nescio (inquit † Conringius)

<sup>\*</sup> Schultetus delic, Evang.

qua arcana voluptate vel soli tituli librorum mulceant ingenuos quosque pirouabus animos. Et Fos. Scaliger ad Gruterum : Indicem Bibliotheca vestra sedulò legi; locupletior est, & meliorum librorum quam Vaticana; itaque voluptati fuit legisse. Horum igitur plures sane impressos videremus, ni fumptus, laborque in iis edendis pæne infinitus obstarent: etenim hoc siquis vulgare quiddam, effectu facile, nec multæ industriæ opus existimaverit; hospes plane in re libraria sit oportet, nec in hujus generis Authoribus versatus; qui uno omnes ore, summam rei difficultatem prædicant. Mich. Mattaire, Vir sane doctifsimus, auctorque gravissimus: Quisquis, inquit, bhujusmodi operis satagerit, ei non tantum multum tedii er laboris devorandum, pertinax adhibenda industria, sed minime vulgaris conferenda ad hoc propositum in evolvendis libris, iisque (quotquot huc spectant) omnibus examinandis exercitatio. Frustra id aggrediuntur, qui titulo tenus duntaxat fapiunt &c. Author Systematis Bibliotheca Jesuitica Parifensis, Catalogum, inquit, tam numerosum topis edere, in-. finiti est laboris, immodicaque impensa: hisque se à Catalogi editione deterritum fuisse innuit. Conringius itidem Indicis Bibliotheca Augusta deponendam omnino expectationem monet, tanguàm rem effectu non difficillimam duntaxat sed impossibilem. Tho. Hyde Bibliotheca Bodleiana Prafectus in Catalogi istius editione se novennium integrum non sine summà industrià contrivisse profitetur; qui tamen Alphabetice tantum constructus est, dimidiamque librorum nofrorum partem haud multum exuperat: post novennales autem hosce labores negligentiæ tandem reprehensionem Vir doctus effugere nequiit, quali opus quoddam imperfectum & minus utile ediderat, propter omissum scilicet, quem diximus, Classicum librorum Catalogum. Bailletus enim (eruditus & ille quidem Bibliothecarius) illa ipfa, inquit, d que Thome Hyde arrifit methodus, ut ad studiorum

a De Biblioth. Heidelberg. b Præf. Annal. Typogr. Vol. 2. c Ibid. p. 43. d Præf. Biblioth. Lamoniana.

utilitatem minus necessaria, ita nec sola debuit adesse, sed posterior, cui prioren argumentorum sive rerum Ordinem, utpotè longè utiliorem pramitti oportere nemo non intelligit:

has oportuit facere & illa non omittere,

In libris porrò evolvendis, ac in proprias Classes distribuendis, ii omnes notari & colligi à Bibliothecariis debent quorum bina vel plura occurrant ejusalem editionis Exemplaria; quibus scilicet venditis demum aut commutatis, alii facile omnes, quos in disciplina aliqua maxime defideremus, pecunià indè confectà comparari, Bibliothecæ defectus suppleri, Catalogusque adeò auctior & perfectior fieri possit. In hoc verò toto opere perficiendo me nul-Iam unquam laboris partem, quam mei ferre humeri valeant, declinaturum polliceor: quod de Bibliothecario itidem altero, viro quidem industrio confirmare ausim: mihi tamen deplorata planè tota res esset, utpote utriusque longe vires exuperans; nisi in ea essemus Academia, in qua prompta nobis parataque fint tanta doctorum hominum auxilia; quos ad oneris hujusce societatem & partitionem quandam advocatos strenuè nos confilio, Itudio, operà adjuturos esse confido.

Consultation illam quod attinet, libros impressos è Bibliotheca Publica promendi, atque ad cubicula sua asportandi, à quibusdam reprehensam quidem, integram tamen Academicis conservari vellem; utpotè Bibliothecarum institutioni imprimis consentaneam, studiorumque rationi longè commodissimam; quæ à publicis semper locis abhorrent, atque otium & secessium omnino requirunt: librique hoc modo non nisi fanori dati magnas fæpe Bibliothecæ præstant usuras, novorumque librorum fructum ei quendam & incrementum haud raro pariunt: ex hac verò librorum promendorum facultate nonnullos omninò eximi oportet, qui privati nequaquam usus esse, sed communes omnibus in Bibliotheca perpetud fervari debent: ut Dictionaria, Indices, Repertoria, Bibliothece Authorum seu Facultatum, Thesauri Antiquitatum, Rymeri

Rymeri Fædera, Biblia etiam Polyglotta, &c. totumque illud genus, quod prout studiorum ratio postulet, consulere potius quam perlegere opus sit: libros denique à Studiosis ita desumptos legibus ad hanc rem constitutis prorsus subjici, atque ad certum, definitumque tempus restitui necesse est, ut videre tandem poterint Bibliothecarii, nequid inde damni capiat Bibliotheca. Manuscriptorum autem Codicum alia plane ratio est, omnesque, quos noverim, Bibliothecarum Institutores quam diligentissimè eos custodiri & vix ultra ipsos Bibliotheca limites evagari debere censuerunt; judicantes scilicet, idque quidem sapienter, pretiosissima becce Bibliothecarum suarum ornamenta, quam rarissimè desiderari atque abesse oportere; quorumque damnum refarciri nullo modo & compensari possit, quam paucissimis jacturæ casibus committi debere: hosce igitur libros etsi gravissimà de causà è Bibliotheca manibus exire nonnunquam paterer, nequaquam tamen abesse diutius, quam ipsa utendi causa & necessitas plane postularent: atque hac Codicum Manuscriptorum lex à Majoribus accepta in hac nostrâ Academia inviolata semper obtinuit.

QUIDAM tamen apud nos, viginti ferè Codices MSS è Bibliotheca publica domum sibi transfulit; quorum aliquos undecim, alios octo, omnes autem quinque ad minimum annos fibi quasi proprios servavit; atque inter alios celeberrimum illud Evangeliorum Exemplar, quod à doctissimo Beza dono olim acceperat Academia; maximum plane Bibliotheca nostra lumen, clarissimumque summa vetustatis monumentum; quodque Advenæ, Curiofique omnes unicè fermè omnium videre & versare cupiunt : ejus tamen septem jam circiter annos non modò non utendi, sed ne conspiciendi quidem, nisi impetrata prius à Viro bono veniâ, copiam habuit Academia: etenim cogitat Vir modestus aliis demum omnibus persuadere, quod sibi jam diù habet persuasissimum, se unum esse in hac Academia, qui Manuscriptos libros evolvere dignus haberi mereatur. Huncce

Hunce verò Beza Codicem, postquam repetitis nuntiss revocare frustrà laborassem, ad Bibliothecam tandem paucis ante diebus, unà cum reliquis illis suprà memoratis, remittere dignatus est. Ex Bibliotheca autem Eliensi (quam dono verè Regio jam possidet Academia) libros itidem haud paucos, cum Manuscriptos, tum perantiquarum quostdam Editionum & melioris notæ impressos mutuò illum olim accepisse comperio; de quibus post tot annos restituendis monitus jam tandem cogitet velim, ne per Judicem illos me repetere cogat; etenim si hujusmodi libros sine venià, aut cautione legitimà tam diù apud se detinere sibi haud inhonessum putet, at mihi certè esset, si

paterer.

Non mei jam instituti est ad minutias illas, nugasque descendere, quibus tam putide commorari sæpe soleant Bibliothecaria rei scriptores; regulas scilicet Bibliotheca verrenda præscribendas, librorumque à pulvere & sordibus purgandorum præceptiones: hujulmodi etenim omnia Usus, Sensusque communis expedire satis aptè & docere valeant: reliquum solum est, ut Ordinis istius Classici quem in librorum collocatione observandum omnino censeo, tabellam quandam seu synopsim exhibeam in varia Capita & Titulos pro rerum & argumentorum varietate diffinctam. Nonnulli hujusce Artis Doctores, dum facilem, fumplicemque quam maxime (nature quafi confentaneam) affectent viam; ob sectionum, titulorumque paucitatem perturbata omnia, vaga, minusque distincta relinquint: alii interea dum artem præcipue oftentare, ac elaboratam quandam Ordinis rationem instituere cogitent, confusionem illam, quam tollere præ se ferunt, nimia divisionum subtilitate & multiplicatione pariunt : hæc duo vitia, quantum potui, vitare studui; collatisque inter se haud paucis prestantissimarum Bibliothecarum Catalogis, quicquid mihi recte in aliquo positum videbatur, transfuli statim & decerpfi; quod autem in omnibus defiderari adhuc putabam, id pro meo ingenio explere, & perficere sum conatus: natus: neque tamen stultus adeò sum laborum meorum æstimator, ut tam seliciter me omnia putem assequutum, ut nullus aliorum in hac causa studiis, nullus δευτέχαιε, ut aiunt, Φροντίσι locus sit relictus; fateor enim hisce me in literis parum versatum, novitiumque plane esse; nihilque in animo habuisse antiquius, quam ut aliis perfectius aliquid, & ad rem nostram accommodatius excogitandi ansam præberem; quod si fuero unquam consequutus, maximum me laboris mei fructum percepisse arbitrabor.



In sequenti hacce Librarii Ordinis tabellà Jus Canonicum à Civili, Historiamque itidem sacram à Profana secernendam duxi, ut quicquid ad Theologiam, remque omninò Ecclesiasticam pertineret, perpetua serie connexum sub uno aspectu caderet, unumque Corpus conficeret: Historia autem Sacra Profanam proximè subjeci, quippè etsi rerum, quas tractent, diversitate satis inter se distinguantur, ejustem tamen qu'um generis sint, haud locorum intervallo ab invicem sejungi debeant.

SINGULARUM Nationum Historiis subjungendos omninò censui Antiquitatum, Inscriptionum, Numismatum libros, vitasque Hominum in unaquâque illustrium; quæ propter argumenti affinitatem ad generalem Regni cujusvis Historiam explanandam & perficiendam quam plurimum valent.

GEOGRAPHIAM, contrà ac plerique soleant, ad finem Historica Classis rejeci, Historia quasi Appendicem, eique illustranda, atque animo infigenda potissimum inservientem; quam vero ipsam per se, niss degustata prius Historia sive sacra, sive profana, haud cum voluptate, aut fructu aliquo attingere possumus.

DICTIO-

DICTIONARIA & Lexica in singulas Facultates, seu Classes, ad quas pertinent, singula distribui, ut Lexica Medica in Medicinam; Historica in Historiam &c. quod commodius longè, & ad usum aptius judicavi, quàm si tam varii, tamque diversi prorsus argumenti libros, qui nihid præter nomen inter se commune habeant, in unum Lexicographorum titulum omnes conjecissem.

GRAMMATICIS & Linguarum Lexicis extremum inter literas humaniores locum assignavi; utpotè quæ non nisi ex priùs editis Oratorum, Poetarum, &c. libris confecta penitùs & collecta suerint: nihil enim est, quod Natura non primum invenerit; Ars deindè rei inventæ disciplinam

quandam, regulasque effinxerit.

SINGULORUM Authorum opera utcunque varia & Miscellanea, in unum collecta, simulque edita, nequaquàm ab invicem distrahi vellem; omnia verò pracipua atque illustrioris alicujus partis (quâ ipse maxime Author dignoscitur & celebratur) sortem & partitionem sequi debent: ut Ciceronis opera omnia in Oratoribus; Plutarchi in Biographis annumerentur.

Qué vero tam singularis, tamque inusitati sint argumenti; queve tantam variorum, volantiumque, ut aiunt, tractatuum collectionem & farraginem complectentur, ut in certam aliquam Classem haud facile reduci queant; in unum omnia collecta Classem quandam Miscellaneam

in extremâ Bibliothecæ parte conficiant.

#### THEOLOGIA.

BIBLIA.

Polyglotta. Partesque Bibliorum polyglottæ.

Hebraica itidem, aliarumque linguar. Orient. feparatim.

Græca.

Latina.

In linguas vulgares translata.

Novum Testamentum, ejusque Partes.

Concordantiæ, Lexica, Indices, Phrases, Sententiæ Biblicæ, &c.

#### BIBLIORUM EXPLANATORES.

Critici, qui varias lectiones, emendationes, seu de Interpretationibus, Interpretibus, & libris Canonicis scripserunt.

Glossatores, Scholiasta, Paraphrasta, Catenarum

effectores.

Commentatores in Utrumque simul Testamentum in Vetus solum ejusque partes in Novum ejusque partes.

Rabbinorum Commentarii, Quique de rebus Judaicis scripserunt.

#### PATRES GRÆCI & LATINI.

Patres, Theologique Græci temporis Ordine dispositi; atque Illorum deinde tractatus quorum tempora incerta.

Patres Latini ad finem 12<sup>mi</sup> seculi, quo nata est Schola; Scriptoresque itidem quorum tempora incerta.

Collectiones, Bibliothecæ, Thesauri, Auctaria, Antiquæ lectiones, Spicilegia, Dogmata, Sententiæ Patrum.

D

THEO-

THEOLOGIA SCHOLASTICA.

Hujus Scriptores temporis ordine dispositi.

THEOLOGIA MORALIS.

Hujus Scriptores codem ordine. Casuum Conscientiæ Scriptores.

#### THEOLOGIA MYSTICA five ASCETICA.

Qui de praxi virtutum in genere, & tota vita Spirituali scribunt; deinde qui de singulis virtutibus.

Qui variis ætatis gradibus, aut vitæ conditionibus regulas præscribunt; ut Pueris, Adolescentib. &c. Princip. Episcop. Conjugib. Virg. &c.

Qui de cultu Dei & Divinarum Trinitatis Personarum. Qui de cultu Virginis, Angelorum, Sanctorum.

#### THEOLOGIA CONCIONATORIA.

Qui artem docent, quique materiant subministrant ex Scriptura, Patribus.

Qui conciones scripserunt per annum totum, ejusve partes, quique miscellaneas ediderunt &c. Concionatorum Bibliothecæ.

#### THEOLOGIA POLEMICA.

Adversus omnes Christi Religionis hostes, Atheos, Infideles.

Adversus Hæreticos.

Ecclesiæ Romanæ & Orientalis inter se controversiæ.

Romanorum itidem & Reformatorum cujuscunque nominis..

Romanorum inter seipsos.
Reformatorum inter seipsos.

#### CONCILIA, JUS CANONICUM & PONTIFICIUM.

De Conciliis in genere, corum formâ, autoritate, omnibusque cò pertinentibus.

Conciliorum Generalium Collectiones.

Concilia Generalia separatim edita ordine Chronologico.

Concilia Nationalia, Provincialia, ordine Regionum & Urbium.

Canonum Collectiones; Corpus Juris Canon; Epistolæ decretales, Bullæ, &c.

Canonista, sive Commentarii, tractatusque generales & particulares Juris Canonici, Ordine Chronologico.

De Ecclesia, ejusque Hierarchia in genere; de potestate Ecclesias. & Civili; Conciliorum & summi Pontif. autoritate; Sacerdotii & Imperii concordia.

De Cardinalibus, Legatis, Episcopis, Abbatibus, Parochis, Canonicis &c. de Beneficiis Ecclesiast.

Sanctiones Pragmatica; Concordata.

De Clericis Regularibus in genere.

Regulæ, Constitutiones Regularium; Ordinum Monast. Militar. Monial.

De Disciplinâ & Censuris Ecclesiast. Inquisitione, &c. De Divinis Officiis, & ritibus Ecclesiast. in genere. Liturgiæ, Officia, & libri rituales Ecclesiarum singular & Ordin. Monast.

#### HISTORIA SACRA & ECCLESIASTICA.

Chronologia & Historia Sacra Veteris & Novi Testamenti.

Historiæ Ecclesiasticæ Universalis Scriptores ordine temporis & linguar.

Historiæ Écclesiarum singularum; Græcæ, Romanæ,&c.
D 2 Vitæ

Vitæ & Acta Sanctorum, Martyrum, Pontificum Rom. Cardinalium, virorum & fæminarum pie-

tate præstantium.

Historiæ Clericorum Regularium in genere; deinde fingulorum Ordinum Monasticorum & Militarium.

Historiæ & Chronica Monasteriorum, locorum sanctorum, Miraculorum, Reliquiarum & Sacrarum Imaginum.

Hærefiologia.

Bibliothecæ & Catalogi Authorum Ecclefiasticorum. Geographia Sacra & Ecclefiastica. Notitiæ Episcopatuum, &c.

#### HISTORIA PROFANA.

De Historia conscribenda & legenda; de Historicis, &c. Chronologia & Historia Universalis; Chronica generalia, &c.

Historia Græca Antiqua, Veterumque Monarchiarum; item Antiquitates, Inscriptiones, Numismata Græca.

Historia Romana ab Urbe condità ad Imperii translationem; Antiquitates itidem, Inscriptiones, Numismata.

Historia Byzantina ad captam à Turcis Constantinopolim.

Historia Imperii Occidentalis.

Historia Saracenica & Turcica.

Historia Magnæ Britanniæ, & fingularum ordine suo Europæ Regionum; item Antiquitates, Inscriptiones, Numismata, Vitæque Hominum in singulis gentib. illustrium.

Historia Miscellanea, Fabulosa, Genealogica, He-

raldica.

Historia literaria; Continens historiam Academiarum, Typographiæ, Bibliothecarum: vitas, elogia, Epitaphia Virorum dignitate & literis illustrium; Bibliothecas Universales Authorum; particulares Regionum, Ordinum, Civitatum: librorum Catalogos.

Rerum Asiaticarum; Africanarum; Americanarum; & variarum Peregrinationum Scriptores: Itine-

raria Nautica.

Geographi veteres & recentiores, generales & particulares: tabularum Geographicarum & Maritimarum Collectiones. Dictionaria denique & Lexica Historica, Geographica,

#### JUS CIVILE.

Jus antiquum Græcum; Romanum; Leges antiquæ; Codex Theodosianus; Corpus Juris à Justiniano Edit; Novellæ Constitutiones; Basilicorum libri, seu jus Græc-Rom.

Juris consultorum Commentarii, seu tractatus varii in unum collecti, Concilia, Decisiones juris.

Tractatus de singularibus Juris Titulis; ut de Testamentis, Usurâ, &c.

Juris Gentium Scriptores; Fædera & Pacta Principum; Jus Feudale.

Leges & Constitutiones singularum Regionum; Angliæ, Galliæ, Italiæ, &c.

Bibliothecæ, Lexica, Indices, Compendia, Repertoria Juris.

#### PHILOSOPHIA propriè dicta,

Philosophi antiqui Graci, Latini, Arabes, & in eos Commentarii.

Philosophiæ generalis Scriptores recentiores.

Tracta-

Tractatus Logici, Ethici, Oeconomici, Politici. Physici, Metaphysici, Theologia Naturalis, Lexica Philosophica.

#### MATHEMATICA.

Opera Mathematica generalia Veterum & Recentiorum.

Arithmetica, Algebra, Fluxiones.

Geometria Practica, Speculativa, Trigonometria.

Astronomia, Ephemerides, Calendaria; Gnomonica.

Astrologia; ad quam revocari possint aliæ artes dinatrices.

Optica, Perspectiva.

Musica.

Mechanica, Statica, & de motu Corporum.

Architectura, Pictura, Sculptura, Artesque militaris, Nautica, &c.

Lexica Mathematica, Technica, &e.

#### HISTORIA NATURALIS.

Qui de Historia Naturali Universali scripserunt.

Qui de Homine & Animalibus generatim & speciatim.

Qui de Plantis, Re rusticâ, Hortis, &c.

Qui de Fossilibus, metallis, lapidibus, ignibus subterraneis, balneis & aquis mineralibus.

Qui de Monstris & Prodigiis; hùc forsitan revocandi funt qui de Spectris & Energumenis.

#### MEDICINA.

- Veteres Medicinæ Principes Græci, Lat. Arab. & in eos Commentarii.
- Recentiores, qui totam Medicinam attigerunt, quique de morbis in genere scripserunt; Observationes; Consultationes.

Qui de Morbis Sexûs, ætatis, Gentisve alicujus propriis, atque de morbis singulis scripserunt.

Therapeutici & Pharmaceutici; qui de morborum curatione, & remediis, Venenis, Antidotis & non naturalibus scripserunt.

Chymici.

Anatomici, Chirurgi, qui in genere, deinde qui de fingulis operationibus.

Lexica Medica; Pharmacopææ, Dispensatoria: Hippiatrica, seu de Equorum curatione.

#### LITERÆ HUMANIORES.

Oratores Veteres Græci, Latini, cum Commentariis & Versionibus: item Proverbia, Phrases, loci communes, sententiæ ex eis collectæ; quique artem deinde Rhetoricam tradiderunt.

Oratores recentiores; qui Orationes Encomiasticas, invectivas, parameticas, inaugurales, libellos famosos latinè seu linguis vernac. scripserunt.

Poetæ Græci & Lat. Veteres; cum Commentariis & Versionibus; quique artem Poeticam tradiderunt.

Poetæ recentiores omnium gentium; qui latinè, quique linguis Vulgar. Anglicâ, Gallicâ, Italicâ, &c. scripserunt.

Epistolarum Scriptores Veteres & Recent. Græcè; Lat. & in linguis Vernac.

Anti-

Antiquarii, qui de Antiquitatibus in genere scripse-

runts Mythologi, &c.

Philologia; operum Philologicorum collectiones; Philologi Veteres; Critici, qui observationes, emendationes & varias lectiones ediderunt.

Polymathi, seu Polygraphi, qui varia scripserunt ad

artes liberales pertinentia.

Grammaticæ, Lexica, Glossaria linguarum omnium, Orientalium, Græcæ, Latinæ, Vulgarium: item Lexica Rhetorica, Poetica, & Singulorum Authorum; ut Pindaricum, Ciceronianum, &c.

MISCELLANEA quæ ad certam aliquam Classem reduci nequeant.



2	duplex Ferulerum corpus	3	B. Bibliotheca Vetus armarijs suis, qua Classes vocamus, infiructa B 2. Bibliotheca Veteris pars altera,
A B B B	B R	S	in Classes etiam distributa; quam, quoniam reliquis angustior & Scholarum publicarum in fronte positas it, direcendum, atque in formam quam schema ethibet, amplificandam decreverit Academia.  B R Bibliotheca Regia; in quam locumg, illum quadratum ad sinifiram conclusi quam servaneur libri omnes a Rege stonati, quibus recipiendis octo Armaria, seu Classes, exutrag son clavis parte, ut in Veteri Bibliothe ca existructa sunt; perpetuumgi protereà et duplex quod dam. Forulorum Corpus utring, libris excipiens, quod mediam domum secat, parq longitudine a sole usga ad tectum per septem decum tabulata existraj is que timen libres omnes capere nequamquam valent, quorum pais insuper magna humi adhue confusa jacet.  S Jenacuhum, seu Demus ut dicitus Congregationis; qua pest absolutam ediseationem quam sedulo jum cosemus) Bibliotheca adjungenda est, cujus demum sor mam quadratum persetumg esticiet.
j	B 2		Conclave Caij versus

